



Biosfera Val Müstair
Center da Biosfera
CH-7532 Tschier

+41 (0)81 850 09 09
info@biosfera.ch
www.biosfera.ch



Tschier, ils 10 da schner 2019

Communicaziun a las medias

Grond sustegn da la populaziun per il Parc da natüra Biosfera Val Müstair e seis progets d'urant ils ons 2020-24. La radunanza cumünala approvescha ils progets e la dumonda da finanziaziun cun gronda majorità.

Turissem dastrusch a la natüra ed a la cultura, prodots regiunals tschertifichats, fuormaziun per ün svilup persistent ed augmaint da valur da la natüra e da la cuntrada. Quai sun ils puncs centrals da la perioda da program 2020-24 dal Parc da natüra Biosfera Val Müstair. La radunanza cumünala dal cumün da Val Müstair dals 9.1.2019 ha approvà quist program cun gronda majorità.

85 votantas e votants han visità la radunanza cumünala dals 9.1.2019 a Sta. Maria. Cun 84 schi ed üna abstenziun ha üna gronda majorità muossà fiduzcha invers il Parc da natüra Biosfera Val Müstair e dit da schi a la «Dumonda globala da finanziaziun per la gestiun dad ün parc da natüra». Sco prossem valüteschan il chantun Grischun e la Confederaziun il program per lura cofinanziar ils progets previs per ils ons 2020-24.

Davo la crisa da l'on 2017 cun bleras müdadas da personal, la partenza dad ün ulteriur manader da gestiun e cun üna gronda perdita da fiduzcha es il parc da natüra stat cuort avant sia fin. Daspö lura haja però dat ün svilup fich positiv, cun üna restructuraziun e cun novas personas illas diversas funcziuns. D'urant l'on 2018 ha il parc da natüra pudü preschantar success visibels, sco üna nova pagina d'internet, tavlas da bivgnaint a las entradas in Val Müstair, ma impustüt eir culs prüms prodots tschertifichats. Quists success han procurà per üna nova percepciun dal parc in Val Müstair, ma eir sur ils cunfins da la val oura. La populaziun da la Val Müstair ha muossà culla votaziun actuala cha ella s'identifichescha cun «seis» parc. Il votum clerischem es ün muossamaint da fiduzcha invers la Biosfera Val Müstair.

Basa per quist success es stat ün process participativ d'urant tuot l'on 2018. La populaziun e las gruppas d'interess han pudü inoltrar ideas ed impuls d'urant lavuratori publics ed in gruppas da lavur. Uschè ha il parc da natüra pudü concretisar las ideas per ils progets dals ons 2020-24. I ha dat lavuratori culs temas turissem, natüra e cuntrada, mansteranza e prodots, sandà, cultura, fuormaziun e giuventüna. Grazia al dialog cun tuot la populaziun ha il parc da natüra pudü metter ils binaris pel avegnir.

Per dumondas sta a disposiziun David Spinnler, manader da gestiun dal Parc da natüra Biosfera Val Müstair (079 750 64 16).



Biosfera Val Müstair
Center da Biosfera
CH-7532 Tschierv

+41 (0)81 850 09 09
info@biosfera.ch
www.biosfera.ch



Tschierv, 10. Januar 2019

Medienmitteilung

Die Bevölkerung nimmt die Projekte der Programmperiode 2020-24 des Naturparks Biosfera Val Müstair mit breiter Mehrheit an

Natur- und kulturnaher Tourismus, zertifizierte Regionalprodukte, Bildung für nachhaltige Entwicklung und die Aufwertung der Qualität von Natur und Landschaft stehen im Zentrum der Programmperiode 2020-24. Diese wurde nun auf der Gemeindeversammlung vom 9.1.2019 mit grosser Mehrheit von der Bevölkerung angenommen.

Insgesamt 85 Personen nahmen an der Gemeindeversammlung vom 9.1.2019 in Sta. Maria teil. Mit 84 Ja-Stimmen und einer Enthaltung hat eine überwältigende Mehrheit der Anwesenden dem Naturpark Biosfera Val Müstair ihr Vertrauen ausgesprochen und das offizielle «Gesuch um globale Finanzhilfen für den Betrieb eines Parks» gutgeheissen. Bund und Kanton beurteilen dieses Gesuch und finanzieren die dort enthaltenen Projekte für einen Zeitraum von fünf Jahren. Dies ist die Programmperiode 2020-24.

Nach dem Schicksalsjahr 2017, als viele personelle Abgänge und ein wachsender Vertrauensverlust seitens der Bevölkerung beinahe das Aus für den Naturpark bedeutet hätten, folgte ein spürbarer Aufschwung. Die personelle und strukturelle Neuausrichtung der Biosfera Val Müstair führte im 2018 zu sichtbaren Erfolgen, darunter die Lancierung eines neuen und zeitgemässen Webauftritts, die Zertifizierung erster Regionalprodukte und die Errichtung neuer Portaltafeln an den drei Taleingängen. Massnahmen wie diese führten zu einer spürbaren Veränderung in der Wahrnehmung des Naturparks gegen innen und aussen. Dies wurde nun von der Bevölkerung entsprechend quittiert, die «ihren» Park wieder mitträgt. Das starke Votum der Münstertaler und Münstertalerinnen ist ein grosser Vertrauensbeweis für den Naturpark.

Dem ging ein breiter partizipativer Prozess voraus. Der Naturpark lud 2018 zu zwei Workshops ein, um neue Projektideen für die Programmperiode 2020-2024 zu sammeln und zu diskutieren. Die teilnehmenden Akteure und Leistungsträger haben zu verschiedenen Themen aus dem Val Müstair die Bausteine für neue Projekte mitgestaltet. So bildeten sich Arbeitsgruppen zu den Themen Tourismus, Natur und Landschaft, Gewerbe und Produkte, Gesundheit, Kultur, Bildung und Jugend. Dank der Beteiligung aller konnten die Weichen für die Zukunft des Naturparks neu gestellt werden.

Für Rückfragen steht Ihnen David Spinnler, Geschäftsführer des Naturparks Biosfera Val Müstair (079 750 64 16), gerne zur Verfügung.